

Goibekokale

ELGETA / Barikua / 2002ko martxoaren 8a / 90. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

ELGETAKO GAZTETXEKO BATZARKIDIAK

“Ilusiñua hasierako bardiña dan arren, gauzak beste modu baten ikusten dittugu”

OXEL EROSTARBE

Elgetako gaztetxiak sei urte beteko ditu martxuaren 23an. Oin momentuan Iraia, Naroa, Esti, Izaskun, Geaxi, Eva, Ariane, Mari Mar, Nagore, Goratze eta Ainara dira asteroko batzarraren arduria dauken gaztiak. Gaztetiaren seigarren urteurrena dala-eta, ekintza ugari antolatu dittue martxo-rako. Horren gainian eta gaztetiak honetan urtiotan eruan daban bidian gainian egin dogu berba eurekin.

Aurten ekintza ugari antolatu ditzuzue urteurrena dala-eta. Ze helburukin antolatu ditzuzue?

Ekintzokin jentiaeren parte hartzia bultzatu nahi dogu. Jentia gai batzuen gainian informatzen ahalegintzen gara; izan be, *Teleberri*-xetan edo prentsan esaten doskuenaz aparte, beste gauza batzuk be gertatzen dira.

Gaztetiak sei urte bete dittu. Hasierako animuekin eta helburuekin jarraitzen dozue?

Ilusiñua bardiña dan arren, gauzak beste modu baten ikusten dittugu. Hasieran, lokala lortziak, barrua atontziak, autofinanziatzeko moduak topatziak inportantzia haundixa zeuken. Gaur egunian lokaleko egitura eginda dago eta ez daukagu ekintzak aurrera eruateko diru arazorik.

Gaztetiako batzarraren arduria daukazuen belau-naldi barrixa zarie. Ze baloraziño egitten dozue honena bidionena? Honekin bidionekin jarraitzeko asmu daukazue?

Helburu batzuk lortuta eukitziak helburu barrixak billatzia eragitten dau. Lehengo ibilbidia baloraziño baikorra egitten dogu, eta helburuak bardiña dira. Aldatu dana egoeria da. Lehenago gaztetiak era eta adin guztixetako jentiaendako ekintzak antolatu bihar zittuan.



Honek neskok dauke gaztetiako batzarraren arduria, eta laster mutillak sartuko dirala esan doskue.

“Egindako bidia positibua da, eta helburuak bardiñak dira. Aldatu dana egoeria da”

Gu horretan laguntzeko gertu gare, baiña gaztion arazuetan gehixago sakondu bihar dogula pentsatzen dogu. Horretarako, hausnarketa egitten gabiz oin momentuan. Jentia informau aurretik, guk horrek gaxok sakon ezagutu bihar dittugulako.

Asentzio Eguna antolatzia beste elkarte batek hartzia gustora hartuko ziñutela adierazi dozue.

Asentzio Eguna beste elkar-terren batek antolatzia guk bes-

“Asentzio Eguna antolatzeko arduria beste batek hartuta, herrira gehixago zabalduko da”

Gaztetiako martxoko programia

Martxuaren 9an

- Gabeko 11etan, KEN 7

Martxuaren 10ian

- Arratsaldeko 5etan, *Como ser mujer y no morir en el intento* bideo-proiekziñua.

Martxuaren 17an

- Umien Eguna: mendi irteeria, jolasak, bazkarixa... (izenemotia liburutegixan)

Martxuaren 23an

- Gaztetiaren urteurrena:
- Eguerdixan, trikilarixak.
- Herri bazkarixa (izenemotia Haizea tabernan edo gaztetiaren).
- Antzara jokua.
- Kontzertua: Ruber 28 eta Ensaladilla Sound Sistem (Kataluñatik).
- Aurtengoan ere Ska, Reggae eta erritmo biziak izango dira entzungai.

te ekintza batzuk gertatzeko denboria izatia eragingo leuke. Momentuan Goibekok eta norbanako batzuk ardura hori hartzeko gertu darella esan doskue. Laster egingo dogu batzarra eurekin. Beti egongo gara gertu laguntzeko. Beste batzuk antolaketiana arduratuta, jaixa herrira gehixago zabaltzia bultzatu nahi dogu.

Azkenaldixan izen haundi-ko musika taldiak ekartzen zabizie. Hasibarrixak diran taldiei aukeria emoten dotsazue?

Ez da izan gu euren atzetik ibilli gazelako. Izeneko taldiak etortziakin, beste talde batzuk ekartzeko finantziaketia lortzen dogu. Hasten dabizen taldiak beti euki dabe atia zabalik. Urteurrenaren barruan Eten taldia etorri da.

Gaztetiaren kontra egitten ari diran kanpainia salatu dozue behin eta berriro. Elgetako gaztetiak itxiko daben bilddurra daukazue? Badaukazue zergaittik?

Gaztetiaren kontrako kanpainia herri haundixetan hasi da. Baiña horren helburua gaztete danekin amaitzia dala pentsatzen dogu. Asteburu askotan gaztetiaren inguruan ibilli dira ertzaiñak. Horrek egoerorrek, gertu ez ikusi arren, urrin be ez ikustia eragitten dosku. Egunen baten gaztetiak ixtera etortzen badira, ez daukagu dudarik jentia gurekin egongo dala. Ekintzetan era guztixetako jentia hartzen dau parte. Horrek herrixa gaztetiakin dagola pentsatzera eruatzen gaitu. **Azkenaldixan, nahikua jentek izena emon ez dabela-eta, ekintza batzuk ezin izan ditzuzue aurrera eruan. Ze baloraziño egitten dozue horren gainian?**

Arrazoiak aztertzen ibilli gara eta izan leike gauza batzuk antolatzeko orduan ez dogula asmatu. Hala eta be, esan biharra dago ekintzak antolatzeko orduan beti pentsatzen dogula bertan parte hartuko daban jentian.

ERAKUSKETA

Gaur zabalduko dute Amazoniaren egoera ezagutaraztea helburu duen erakusketa

O.E.

Kultura batzordeak antolatuta, Medicus Mundi elkartearen erakusketa izango da ikusgai kultura etxean. Gaur hasi eta domekara arte iraungo du erakusketak. Bertan, Ekuador-ko Amazoniako 43 erretratu eta hango egoeraren gaineko datuak erakutsiko dituzte.

Medicus Mundi gobernuz kanpoko erakundearen *Yana Curi. Paradisu zauritua* deritzon erakusketa ibiltaria gaur iritsiko da Elgetara.

Kultura batzordeak antolatu duen erakusketa ibiltaria aste-buru osoan egongo da ikusgai kultura etxean: gaur, barikua, arratsaldeko seietatik zortzieta-
ra; zapatuan, eguerdiko hamabietatik ordu bietara eta iluntzeko seietatik zortzieta-
ra; eta domekan, eguerdiko hamabietatik ordu bietara.

Yana Curi *urre beltza da; petrolioa*, Amazoniako hizkuntzan.


Petrolioak Ekuadorko Amazoniari eta hango biztanleei eragin dizkien kalteak agerian lagatzen ditu erakusketa horrek.

Erakusketa Manuel Charlon-ek ateratako 43 erretratu osatzen dute. Erretratu bakoitza testu labur batez lagunduta dator.

PETROLIO USTIAKETAREN ONDORIOAK

Ekuadorko Amazoniako bizimodu zeharo aldatu da 1970eko hamarkadan petrolio putzuak aurkitu zituztenetik hona. Ingurumenean eta hango biztanleen osasunean eragin dituen ondorioak ezagutzeko, azterketa egin zuen Medicus Mundik han.

Miguel San Sebastián sendagile gipuzkoarra arduratu zen azterketa horiek egiteaz, eta erakusketa azterketaren emaitzen laburpena da. Bertan adierazten denez, gizonak minbiziagatik hiltzeko arriskua % 360 handiagoa da. Eta petrolio putzuetatik gertu bizi diren emakumeek batabateko ume galtzeak jasateko aukera ere 2,5 handiagoa da.



Medicus Mundiren erakusketa 43 erretratu osatzen dute.

MEDICUS MUNDI

LABUR

Estanpaciones Intxortak lehena irabazi zuen

Aurtengoan ere, txapelketa bikaina egiten dihardute Estanpaciones Intxortako mutilek. Domekan, Kopako finalaurrekoetako lehenengo partidua jokatu zuten Bar Azitainen aurka, baita irabazi ere. Defentsan egindako lanari esker, kanporaketako lehenengo partidua 44-32 irabaztea lortu zuten.

Asteburu honetan, Kopako finalaurrekoetako bigarren partidua jokatu dute. Bertan erabakiko da zeinek jokatuko duen Kopako finala. Estanpakoek eskuetan dute Kopako finalerako sailkatzea.

Ligan ere aurrenekoen artean daude elgetarrak.

Ferixa Nagusiak antolatzeke, 5.800.000 pezeta

Azkenean Jai batzordeak badaki zenbat diru izango duen aurtengo Ferixa Nagusiak antolatzeke.

Aurreko asteko Gobernu batzordean aurtengo jaiak 5.800.000 pezetako aurrekontua izatea onartu ondoren, Jai batzordeak musika eta gainerako ekitaldiak lotzeari ekin dio.

Aurten ere, egitarau zabalak osatzen saiatuko dira.

Maite Elkoro, berriro ere Udaleko kontulari

Azken oposizioetan Jesus Mari Agirrezabalak lortu zuen Elgetako Udaleko kontulari lanpostua. Duela hilabete inguru, ordea, Olabarriko Udalak ateratako plaza hartu zuen. Jesus Marik utzitako lekua Udaleko kontulari oposizioetan bigarren geratu zen Maite Elkorok hartuko du. Maitek aurretik ere jardun du behar horretan. Hortaz, aurrerantzean hura izango da Udaleko kontularia.



Zaborrontziak erabiltzen hasi

Martxoaren 5a ezkerko zaborrontzietan laga behar ditugu zabor-poltsak. Zaborra martitzenetan, eguenetan eta domeketan jasoko dute, 22:00etan. Usain arazoak eta bestelakoak ekiditeko, zaborra egun horietan gaueko zortziak eta hamarrak artean zaborrontzietan lagatzeko dei egin du Udalak. Bederatzi zaborrontzi berri ere jarri dituzte.

Objektu handi eta erabilpen gabekoen bilketa hileko lehenengo eta hirugarren astean, gaueko 20:00ak eta 22:00ak artean, izango da aurrerantzean./O.E.

JAR EZAZU HEMEN ZURE PUBLIZITATEA

Goibekokale

OSTATU JATETXEA

•Eguneko menua 800 pzta.
•Karta.

Gudarien Bide, ELGETA
Tel: 943 76 80 23

Aperribay, s.l.

Marmoldegi eta granitoak

Pagatza indus. z/g.
Tel. eta faxa: 943 78 90 21

20690 ELGETA

Jesus Mari Montiel ITURGINTZA ETA BEROGAILUAK

Artekale 3
Mo: 656783299 Eibar
Tel: 943 70 07 19

KONPONKETAK SUKALDE ETA BAINUGELETAN

TAPEM S.A

Trokelak eta estanpazioa
TROKEL PROGRESIBOETAN ESPEZIALDUAK

Elorrio bide z/g 20690 Elgeta
Tel: 943 76 80 50 / 78 90 31
Faxa: 943 76 82 43

ERRETRATUZAHARRA

Lokatzako
gazte mailako
txirrindulariak

Bergarako Lokatza Ziklismo Eskolako taldeek laster hasiko dute aurtengo denboraldia. Amateur mailako txirrindulariak badira errepidean dagoeneko, eta datorren martxoaren 19an, Gorlako igoeran izango dira tropeleko eskalatzaile onenak.

Oraingo asteko erretratua Lokatzak izan zuen lehen gazte mailako taldeena duzue. Erretratua 1982koa da eta Gatzagako Gure Ametsa jatetxearen ondoan aterata dago. Txandal zuriarekin agertzen direnak bigarren urteko gazteak ziren eta txandal urdina dutenak, berriz, lehen urtekoak. Bigarren urtekoekin Pello Larrañaga eta Agustin Barbero aritzen ziren zuzendari lanetan, eta lehen urteko gazte taldeko entrenatzailea Fermin Hernández zen. Gipuzkoako errepideetan jokatzeko ziren lasterketetan ibiltzen ziren Lokatzako gaztetxo hauek.

Argazkian agertzen direnek 16-17 urte izango zituzten. Honako hauek dira, ezkerretik eskumara: Txomin



Unamuno, Agustin García, Jesus Mari Rueda, Emiliano Sánchez, Jon Suinaga, Iñigo Jauregi, Ricardo Iturbe, Martin Alberdi, Igor Garitano, Enrike Elkoroberezibar, Jose Ramon Etxeberria eta Iñaki Zenitagoia.

Argazkia: Lokatza Ziklismo Eskola.

ADI IRAKURLE!

Zure erretratu zaharra argitaratzea nahi izanez gero, zator BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

Irala kalearen
aldaketa
1962tik hona

Herriko beste hainbat toki bezala, Irala kalea ere erabat aldatu da azken urteotan. Eskumako bi argazkiak konparatzea besterik ez dago. 60ko hamarkadan, etxebizitza ugari egin zituzten eta herri barruko kale nagusietako bat bilakatu da gaur egun. Kalearen itxuraldaketarekin jarraituz, Udalak kalea urbanizatzen eta lur azpiko aparkalekuak egiteko asmoa dauka.



≈ 1962

Telefonikako eta Miguel Altuna Institutuko eraikinak, 1962. urtearen inguruan. Argazkiaren egilea Pedro Urkixo da (BUA).



2002

Irala kalea, gaur egun. Etxebizitza gehienak 60ko hamarkadan eraiki zituzten, eta ezkerreko irudiarekin duen aldea nabarmena da.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.


Leizeaga 1 BERGARA Tel. / faxa 943 76 59 53.

udaberria-uda

XUXU

San Pedro kalea 14. BERGARA
Tel.: 943 76 07 55

NARRUA PREZIO BEREZIAN!



Gorka Etxabe

14:00 eta 15:15
BERRIAK



Mainer Osa

20:00 eta 21:30
BERRIAK

**GOITBko
Informatiboak:
GERTUKOENAK!**



EGUNERO EGUERDI ETA ILUNTZEAN



Orain, Europan ere, Bezere desberdinentzat Aukera desberdinak.

Orain, Zure Europako bezeroei egindako bidalketen baldintzak erabaki ditzazkezu. EUROPREMIUM zerbitzuarekin, behar dituzun opzioak aukeratu: Interneten bitartez jarraipena egitea, Arrisku orotarako aseguruua, mugako kudeaketa, jaso izanaren agiria.....Horrela da Euro Express-en paketeria zerbitzua, Guipuzcoana Euro Express eta beste sektoreko enpresa europear liderrak elkartzen dituen paketeria sarea 20 herrialde baina gehiagotan. Galdetu eta ikus ezazu: zure enpresarako bezere bakoitza berezia bada, Euro Express-entzat ere.

943 763 642

Bergaran, San Juan Auzoan



www.guipuzcoana.com

 **GUIPUZCOANA**
EURO EXPRESS